


四明叢書

張宗祥



三山吟目錄

北固山

金山

焦山

京口送別瑞當正則二子兼懷自昭

小雪日集微詠樓

邸報見除書家太常少卿弢叔轉南太僕卿

贈丹徒君鄭于耕二首

夢溪

峴山

黃山

臨食四贊

有序

坳尊歌

有序

破車歌贈錢開少次朱雲子韻

有引

贈程穆倩

飲微詠樓懷潘無隱

周仲馭儀部致其賢祖贈公祀鄉賢錄輒爲誦述

遙見袁臨侯少參不得

黃鶴山

蓮池

杜鵑臺遺址

米南宮墓

蓮華洞

招隱山

唐顏山望月

贈周伯高

伯高索題壽張媼畫

楊文襄故宅

王在明自楚避地喜過其家

喜杜退思比部至

蒜山

揚子渡口感懷

北固山後觀石壁同沈茂叔家正則沛祖兩叔

北固石飄峰上僧舍同周松如民部王在明共話

晚坐甘露寺禪房同無聞上人

李卓吾酒杯

宗忠簡公墓

徐信之招集

贈紀介公

重贈紀介公題卷軸

赴劉子約飲正逢其太夫人初度

夜招劉長公談易

京口別諸子

漫歌留題崇福觀

同程穆倩發京口至南都道中戲柬卻寄潤州詩酒

諸友

約圖刊本

三山吟

慈谿師竹居林氏寫本校映
紅樓王氏藏廬麟吟屋鈔本

馮侍郎遺書五

明慈谿馮京第臚仲撰

北固山

蜿蜒峴首到孤涯地脈橫分出一枝萬里江流歸壑處
五州煙火暮鐘時米顛禪寂臨池絕謝遏功成釣碣移
莫問蕭梁離合事古來北顧攬人思

梁武登山改
北顧爲北固

金山

登山無奈愴人何望望煙波況最多戰壘蘇來防鐵甃
仙槎從此到天河有僧莫遣遊城市無事相招共柁歌

試問江心石上月幾能載酒醉藤蘿

焦山

焦金兩山一江裏喧寂仙塵跡迴然秦帝東遊空萬里
漢京西建幾多年真人無待蓬邱去大隱偏留芝嶺傳
家有孤峰未割據不向蝸廬眠處眠

久欲住四明山中
柿嶺故志不忘

京口送別瑞當正則二子兼懷自昭

時劉瑞當赴淮家正則赴南都自昭在里

數子同心異軀骸一出入俱無不偕今年槐黃並黜落
誰肯先舉貢陳雷其舟連枕到京口遠遊如此良亦佳

忽然臨歧意色惡西趨白下北汎淮我望大江不成渡
執手彌月於斯乖同爲別離我送子何況家山回首哀
平生蚤結入山願幾兩布襪青芒屨那知途窮向車哭
閉戶不可迷天涯駿馬飢憊蹶道路飽驢萬里多驚材
可憐吾家真驥子至今毛骨風塵埋遊能傷人白頭蚤
孤棹相將歸去來飄蓬湖海何足恨無奈關情一酒杯
小雪日集微詠樓

錢開少馭少伯仲招集潘江如微詠樓時楚黃
陳交甫在席患賊在楚久正聞楊相國率禁旅

南征

大風木落空林蚤小雪杯寒溫酒頻把蓋偷閒今日事
枕戈戮力異時身西來江水猶流血北去風塵漫汙人
樓上不堪同極目短歌長嘯各沾巾

邸報見除書家太常少卿弢叔轉南太僕卿

太翁昔作南太僕年過半百又七歲叔今兩爲南北卿
年未四十方鼎貴貴非所羨年力強立功立事足神智
南曹半閒馬更閒出爲清卿許靜便此來拄笏看牽馬
好在環滁山水間醉翁去後誰人至子父接踵登清班

嗟我無才困貧病一畝園蕪憂國政比者著論曾過宋
歎恨調停兼邪正臣轍有言高后俞一時國是稍稍定
元符大誤別一番建中靖國國愈喧繇來一網空人國
鳳麟易逝豺虎繁苦畏飛章爭水火豈知捲舌趨一門
寒心孤立方自此只此興亡難具論書生泥古轉迂絕
讀史至斯輒感咽今時明盛時異宜將順不遑何論列
歷載簸揚天路淨羣議方和官府悅八年侍從多匡繩
幾月太常愧素纈知叔局影無徒久乞外自安潘生拙
但聞回首戀聖主流涕銜恩辭北闕田野未得中朝詳

太平何象新施設於古治亂當何代帝驟王馳孰同轍
待叔來南咨所疑更注歐陽朋黨說

贈丹徒君鄭于耕二首

赤鳳青雲萬里孤借棲雄緊試丹徒勲名尙說桓元子

元子任丹徒刺史有政績禮樂須觀漢大儒京口酒佳只飲水石頭

城近每飛鳬敢誇門戶稱衣鉢或許應劭北面趨

于耕鄉舉

出家張叔門

挾書初謁鄭康成窗外青青書帶生仙吏乘風來嶺嶠
齋梅待雪臥江城虛堂靜遠階前鶴永夜分明樓上更

他日司徒歸德里東山仍問子真耕

于耕別號東巖

夢溪

沈存中隱居

何處佳溪夢裏尋黃蒿滿地碧蘿深著書歲月猶全宋
奉使山川未代金一壑一邱尙繫命官遷官謫肯關心
須知魂魄應留此咳笑時聞出遠林

峴山

近名九華

出郊度陌去追攀放眼開眉只此山北眺蕪城淮月渺
東觀滄海島雲閒樵歌白苧行松杪波湧青蓮上岸間
臨江石爲問祖師誰卓錫晉龜揚得好碑還
寺有潘無隱新立齋

川禪
師碑

約園刊本

黃山

在峴山右志云下有高安寺今廢爲茶庵

不怕石頭路來登山上石他山患石少此患多如磧遠
觀殊礫可近狀頗突兀瘦醜無此姿堅頑有許骨蕉父
莫通徑隱居鮮買宅鳥雀嘖下行猿鼯怯飛擲我遊探
奇勝伐山學謝客棘刺縈巾袂汗流交杖舄雲深競叫
呼草短失攀掖跼足疲一筇嚙齒墮兩屐架巖得虛危
碎礫見碑硃撒星拾夜隕伏虎摩箭沒斷鼉猶帶距蟄

燕未生蘭蓂差數華蕊圓缺應月魄色先春苔青斑亂
秋葉赤每疑江波湧去作魚龍射或者巨靈過留此掌
若蹠歷歷多怪松困輪不盈尺老以千春秋少者殆數
百俄然得重臺當是神仙窟其險高絕塵其廣容數席
解衣各坐臥對奕羅酒炙江山至斯聚天地從此割長
嘯方一聲晴空聞雷霹萬樹忽生籟鳥驚墜磔磔煙波
夕陽西萬里流不歇呼鷺來雄風回雁落大澤拱揖五
州山峰腰抹雲白回首峴山寺畫圖燦丹碧登眺何豁
然盤桓亦奇適快哉十日遊無如此地劇三山虛盜名

見此氣都索古來爲名誤遊覽類倉卒輸余性癖久山
荒始開闢

臨食四贊

有序

在禮當食不歎四食有樂不樂皆不敢爲歎而
曰贊者禮也京口米美菜佳肉賤可粥可齋可
穀然千里思親不免遊子之感故通食淡作四
贊

人日食大率北土日再南土日三而南喜食粥
重莫用之考飯乾羹水飧厚饌薄粥卽北人所